



Euroregió Pirineus Mediterrània
Eurorégion Pyrénées-Méditerranée
Eurorregión Pirineos Mediterráneo

COMUNICAT DE PREMSA

Tolosa, lo 19 de decembre de 2019

L'Euroregion sosten sèt projèctes culturals de portada euroregionala amb una envelopa de 140.000€

L'Euroregion Pirenèus-Mediterranèa es un projècte politic de cooperacion territoriala nascut en 2004 amb lo sosten de l'Union europèa. Actualament, l'Euroregion es compausada de la Region Occitània, de la Generalitat de Catalunya e del Govern de les Illes Balears, que n'ocupa la presidéncia, que vira, dempuèi lo mes de febrèr de 2019.

Dins l'encastre de l'apèl a projèctes cultura, l'EPM ven d'atribuir e de repartir una envelopa de 140.000€ als sèt projèctes culturals de portada euroregionala següents :

- 1) **Transefemèrs.** Cap de fila : Consorci Transversal - Xarxa d'Activitats Culturals (Catalonha). Partenaris : Associacion La Insòlita (Islas Balearas) e Associacion Champ Libre (Region Occitània). Montant de la subvencion : 24.000€.

Lo projècte prepausa una collaboracion entre mantun festivals d'art efemèr (installacions artisticas temporàrias : art arquitectural, installacions luminosas, art visual, art urban, etc.) que se debanan dins l'espaci public e que cercan a revalorizar lo patrimòni cultural per la creacion contemporanèa.

- 2) **Art e Territòri.** Cap de fila : Associacion Idensitat (Catalonha). Partenaris : Casa Planas (Islas Balearas), La Escocesa (Catalonha) e Le BBB Centre d'Art (Region Occitània). Montant de la subvencion : 24.000€.

Art e Territòri es una ret de residéncias pel sosten a la recèrca e a la produccion artistica en Catalonha, a las Islas Balearas e en Region Occitània. Mesa en òbra dins un procediment de trabalh en comun, s'apièja sus un encastre espacial e conceptual partejat pels membres de la ret : la « periferia ».

- 3) **Dèlta.** Residéncias de creacion euroregionala. Cap de fila : Associacion Es Far Cultural (Islas Balearas). Partenaris : Jiser Reflexions Mediterrànies (Catalonha) e Centre d'art Le Lait (Region Occitània). Montant de la subvencion : 23.000€.

Aqueste projècte prevei la seleccion, pel biais d'un apèl a candidatura obèrt, de sièis artistas (dos de cada region) qu'auràn l'oportunitat de realizar un sejoern de dos meses dins la residéncia d'artistas de Montpalau, a Menòrca. Tres fasas son pensadas : un sejoern de creacion e escambis a Menòrca, una primièra mòstra a Barcelona e una segonda a Albi.

- 4) **Cinèma Liure a la Bibliotèca.** Cap de fila : Mago Production (Catalonha). Partenaris : Godo Films (Region Occitània) e APAIB (Islas Balearas). Montant de la subvencion : 21.000€.

Lo projecte sosten la produccion audiovisuala locala e afortís l'utilizacion de las bibliotècas coma espaci social que visa a la cooperacion entre mantun sectors culturals de l'Euroregion.

- 5) **Memòria e patrimòni de l'exili dins l'Euroregion.** Cap de fila : Fundacion Pi i Sunyer (Catalonha). Partenaris : Universitat de les Illes Balears (Islas Balearas), Laboratori FRAMESPA-Universitat de Tolosa 1 Capitòli (Region Occitània), Archius Municipales d'Agde (Region Occitània), Museu Memorial de l'Exili (Catalonha), Centre d'Estudis sobre Dictadures i Democràcies (Catalonha), e Universitat de València. Montant de la subvencion : 13.000€.

Memòria e patrimòni de l'exili dins l'Euroregion es un projecte estructurat en duas fasas : primièr, un encontre dels especialistas de la Retirada, l'exili e los camps franceses dels territòris de l'Euroregion seràn expausats. S'apiejarà tanben sus la participacion d'autres especialistas de la rèsta d'Espanha e de França. D'un autre costat, lo projecte visa a la creacion d'un depaus de recèrca en banca de donadas sus l'exili e los camps de l'Euroregion.

- 6) **Realitat museala e dialòg euroregional.** Cap de fila : Universitat de les Illes Balears (Islas Balearas). Partenaris : Universitat de Perpinyà Via Domitia (Region Occitània), Ateneu Barcelonès (Catalonha), Universitat Rovira i Virgili (Catalonha). Montant de la subvencion : 22.000€

L'objectiu del projecte es de sosténer los axes comuns principals de trabalh entre los principals musèus de l'Euroregion. Per exemple, la connexion partejada d'aisinas tecnicas e de difusion. Lo projecte pren per mira tanben de generar un document que permeta, a partir de las coneissenças academicas e dels quites dirigents, de realizar de proposicions d'ameliacion de la cooperacion dins aqueste domeni.

- 7) **LandLimo1.** Cap de fila : Associacion Fotolimo (Region Occitània). Partenaris : Casa Planas (Islas Balearas) e Ruido (Catalonha). Montant de la subvencion : 13.000€.

LandLimo1 es un projecte de collaboracion entre tres entitats euroregionalas que se son associadas dins l'amira de despassar la nocion de « frontièra » pel biais de las arts visualas, de mòstras de fotografias, de talhièrs, e d'un pòl de recèrca artistica.

Ongan l'apèl a projecte cultura de l'Euroregion festeja sa desena edicion. Vertadièra reconeissença dins lo domeni de la cooperacion culturala europèa, aquesta accion a obtengut ongan lo prèmi especial de l'Associacion de las Regions Frontalièras Europèas per son sosten, a long tèrme, a la cooperacion transfrontalièra.

En dètz ans, gaireben cinquanta projectes acompanyats permetèron de contribuir a obrar en favor dels territòris e dels abitants de l'EPM.

L'Euroregion Pirenèus-Mediterranèa

L'Euroregion Pirenèus-Mediterranèa es un projecte politic de cooperacion territoriala nascut en 2004 amb lo sosten de l'Union europèa. Los objectius principals de l'Euroregion pel periòde 2018-2020 son los següents :

- Obrar amb e pels ciutadans del territòri
- Desenvolpar l'ecosistèma euroregional de l'innovacion
- Contribuir al desenvolpament durable del territòri
- Aprigondir l'identitat euroregionala

Per mai d'informacions :

David CLUSELLAS

Encargat de comunicacion

GECT Euroregion Pirenèus-Mediterranèa

El Centre del Món

35 boulevard Saint-Assisclè

CS 32032

66011 Perpignan Cedex

Tél. 04 48 22 22 34 /07 89 61 48 25

david.clusellas@euroregio-epm.eu

www.euroregio.eu | [Facebook.com/euroregio](https://www.facebook.com/euroregio) | [twitter: @Euroregion](https://twitter.com/Euroregion)

